

Daxboh

□ Lanz Veisungh / 蓝卫松

Ndaejgeiq daxboh dwg baenzneix simsienh, unqswnh. De couh lumj sojmiz bouxguhnaz nei, lauxsaed caeuq sienhsoh. De auu song cik fwngz gaenx guh bae veh mbaw lamzdoz dou, auu gij giengiengz bonjfaenh caeuq mbouj goenqcae j bae sij gij saeh vunz gwnzbiengz.

Mwh lij iq, geij beixnuengx dou ngoenznaengz riuangq guhcaemz, gvaq ndaej gig simhai. Hoeng, gij son'gyauq daxboh hawj dou coengz-laiz mbouj gamj cuengqsoeng hagsib gvaq. Cihsiz goj ndaej gajbienq minghyinh, daxboh dawz gij maq-muengh coq youq gwnz ndang dou, caemhcai q yungh gij hengzdoengh caeuq swhsiengj lah dou laeglwd. Sinhoj guh hongreihnaz, mbaet gwn mbaet daenj, hawj dou engqgya roxyinh auu roengzrengz doegsaw. Daxboh moix aen haggeiz haeujhag cungj bae caeuq lauxsae ganggoj, moix haemh cungj youq laj daeng buenx dou sij cozyez yawj saw, moix aen haggeiz satbyai cungj rox cazyawj gij gaujsi cingzcik dou. De couh yienghneix, gujli dou it diemj it diemj cinbu, dazyinx dou ngah hag cihsiz, lwnh hawj dou hag ndaej ndei ai q ndaej bae baihrog yawj gij sei qgyai q caeuq mbanjranz gig mbouj dox-doengz. De haeujsim son, dou ngoenz doek ngoenz majhung lo.

Daxboh cungj heuj in. Cijaeu dienheiq baez bienq, gij heuj de youh in lo. Hoeng, gou coengzlaiz mbouj raen de gwn yw gvaq, heuj in seiz de hix cij dwg ra aen cenj coux rim raemx goenj ndoet haeuj ndaw hoz bae,

naeuz neix dwg auu hei qndat bae gaj nengzbingh. Baenzneix guh geij baez, guh daengz daxboh nyinhnaeuz gaenq mbouj in cij daengx roengzdaeuj. Daxboh lij ciengzseiz dungx in. Dingq daxgoeng daxbuz gangj daxboh seiz iq dungx couh ciengzseiz in, miz baez in ndaej de ca mbouj geijlai couh doek roengz dah bae. Aenvih daxboh mbouj ndaej bae yi hyen yawj gvaq, baenzneix hix mbouj rox dwg maz bingh.

Dahcej caeuq gou hwnj sw hfan yozyau lo, daxboh gig vuenheij, hoeng ranz dou bonjlaiz couh gungzhoj dangqmaz, mbatneix engq dwg doek nae le youh roengz mwi. Daxboh cij ndaej dauqcawq buet bae buet dauq ra ngaenz, bungq deng haujlai ding, roq le haujlai dou, hix yawj le haujlai saeknaj bouxwnq. Hoeng, gou mbouj rox gij rengz daxboh daj gyawz daeuj, gij naj de baenzlawz miz baenzlai na, nyengh dwg ra ngaenz hawj dou song beixnuengx bae doegsaw. Daxboh haindung gai gij doxgai q dij cien z ndaw ranz, doeklaeng duz vaiz geq buenx dou ndaej saek 8 bi hix deng gai bae lo.

Haeujhag le, gou gig roengzrengz hag doxgai q, aenvih gou rox gou ndaej doegsaw caen mbouj vei, seizneix cij ndaej guh doengh gij neix cij doi q ndaej hwnj doxboh. Haggeiz daih' it, miz goh ndeu gauj ndaej mbouj ndei, gou mbouj ndaej bingz "Hagseng Sam Ndei", gou siengsim raixcaix. Daxboh rox le, cij dwg bekbek aen mbaq gou, gujli gou. Haggeiz daihngaih, gou engqgya roengzrengz,

doeklaeng dauqdae j bingz ndaej "Hagseng Sam Ndei" lo. Gou sim-angq fouzbeij, vih bonjfaenh, hix vih daxboh. Haggeiz daihsam, cien z daeuj gij siusik daxboh baenzbingh laemx youq gwnz namh. Gou daej lo, cingq-ngamj yaek daengz gozgingcez ndaej cuengqgyaj, gou couh dajsuenq maranz bae yawj yawj daxboh.

Yamq haeuj bakdou, aen ndang daxboh byomreu q ingj haeuj ndaw da gou daeuj, ndwenngoenz youq gwnz naj heumong de gaek miz gij riz engq laeg lo, gij yienghcej de gig haenq dwk gik gou. Gou nyengh dwk, youzcaih raemxda rihbyoegbyoeg. Bonjlaiz couh gvaq ndaej hoj, vihmaz aen saeu hung dingj ranz couh baenzneix laemx roengzdaeuj lo? Youq ranz ndaej geij ngoenz, daxboh lau gou yousim de daiqlai, cungj gangj ndang de lij cangq, mbouj miz maz saeh, hawj gou ciuqseiz dauq hagdangz bae doegsaw. Dingj mbouj ndaej daxboh baenzneix ngoenz gangj hwnz gyaep, gou couh dauqbae hagdangz lo.

Mwh hanzgyaj dauqdae j daeuj-daengz lo, gou doq maranz, ma daengz ndaw ranz loq siliengz cix lij raeujrub. Lauheiq dwg gij yw daxboh gwn haenx cingq doi q bingh, daxboh dauqdae j ndei lo, youh fukdauq le gij yienghcej gaxgonq. Saeh ndei couh daeuj ndaej baenzneix sawqmwh, gij bingh daxboh ndaej ndei couh lumj ngoenznit bouxvunz deng cengx dangqnaj doq miz dong feiz ndeu, geij beixnuengx dou cungj gikdoengh caeuq angqyangz. Saedcej couh youq

ndaw sing dou gangjriu lae gvaq, daxboh youh bienqbaenz boux baengzyoux roxsim, lauxsae saeqsim. Mbouj rox geijlai baez, daxboh vih dou san loqsiengj aen dem aen, gij loqsiengj dou doxcaemh.

Haemhhaenx, gou deng sing bongx dou daxmeh gyaep ndiu, daeuj daengz mbonq daxboh seiz, de gaenq mauhngunz lo. Gyoengqdou da daengx da yawj de cak dai caklix, cungj sim' in dangqmaz. Youq mwh daxboh cei q in seiz, dou cix maz hix bang mbouj ndaej de. Daxboh mboujduenh dingjhoenx, hoeng doek-laeng lij dwg lizbae lo. De mbouj diemheiq lo, ninz youq ndaw rungj gou caeuq dahcej. Dai q gij louzlien h, dai q gij haemzhøj, dai q aen loq-siengj ngoenzcog, ciengxlwenx lizhai gyoengqdou lo. Dou daep sik bwt dek daejnga' nga, daxboh cai q hix mbouj rox ndiu gvaqdaeuj lo.

Gunghcoz ndaej geij bi le, gij nga euz daxboh ciengzseiz yienh youq ndaw fangzhwnzloq gou. Moix baez dauqngeix daxboh, gou cungj dwg ndawsim fubfed, cungj miz lwed ndat nyoenx doh daengx ndang. Gij gya e z daxboh dwg baenzneix hungmbwk youh caemlaeg. Daxboh vih dou guh baenzlai, hoeng, de lij caengz ndaej dou ganq geijlai nanz couh lizbae lo. Gienh saeh neix hawj geij beixnuengx dou moix baez dwen daengz, cungj raemxda liklik, gangj mbouj baenz coenz.

O, daxboh! Mwn g z youq lingh aen sei qgyai q gvaq ndaej lij ndei lwi?

Fwen Gwn Caz

□ Lij Bingisiu / 李炳秀

Raemx doek byai dat lingq
Lingq roengzdaeuj ndaw rij
Raemx sawdik mbouj lih
Lij dem miz yingzyangj

Raemx rij ndongqlinlin
Go nda linz bae dangj
Raemx baenqbeq haeuj gang
Raeuz vang biuz bae vaeg

Nuengx vaeg daeuj swiq naj
Fajnaj hausekse k
Cehda ronghsagsag
Gag baenz miz cingsaenz

Go vaeg daeuj goenj caz
Baek caz hom deq sau
Ra q aen cenj bak hau
Dauj daeuj caj nuengx gwn

Caj nuengx bae ranz liuh
Gangjriu lwnh swngghoz
Mbauq sau gya e z lwnh goj
Ciengq go gangjriu angq

Nuengx dieb haeuj ranz go
Boh go naj riu coh
Meh go gangj daeuj coh
Nuengx mbouj rox roengz din

Song fwngz dawz cenj caz
Caz haeuj bak ndoet loz
Gwn daengz bak van hoz
Lae roengz hoz van sim

Nuengx coux caz lumz mbai q
Gwn sat mbai q riengzlaeng
Coenz vah ndawsim daengz
Byai fwen daengz neix di q



Raemxgienghdat lumj diuz seihau venj youq gyang bya.

Goh Cungdingz ing